

欽定大清會典

一  
函  
九  
冊

欽定大清會典卷四十三

禮部

祠祭清吏司

大祀四

凡祭 社稷之禮崇建

社稷壇於 端門之右爲壇二成上敷五色土如其方色歲春祈秋報皆

以仲月上戊日祭

太社

太稷之神以 后土句龍氏

后稷氏配

太社位右

太稷位

左均北嚮 后土句龍氏東位西嚮

后稷氏西位東嚮

太社

太稷各方珪

一色一黃

帛一牛

一羊一豕一登一鉶二簠簋各二籩豆各十有二尊一玉爵一陶爵二鑪一鐙二 后土句龍氏 后稷

氏各帛一牛一羊一豕一登一鉶二簠簋各二籩豆各十有二尊一陶爵三鑪一鐙二先祭一日樂部設

中和韶樂於壇下分左右懸祭日鑾儀衛陳法駕鹵簿於 午門外陳金輦於 太和門階下日出前四

刻太常卿詣 乾清門告時

皇帝御祭服乘禮輿出宮內大臣侍衛前引後扈如常儀至 太和門

階下降輿乘輦

駕發警蹕

午門鳴鐘法駕鹵簿前導不陪祀王以下各官咸朝服跪送導迎鼓吹

設而不作

皇帝由闕右門至壇北門外神路右降輦贊引太常卿二人恭導入壇北門右門詣戟門

金匱要略卷之八  
幄次禮部尙書率太常官恭詣

神位安奉畢太常卿奏請行禮

皇帝出幄次盥洗贊引官恭導

皇帝至內壇北門外拜位前南嚮立鴻臚官引陪祀王公至拜殿南百官至拜殿東西隅各就位序立典

儀官贊樂舞生登歌執事官各共迺職

以下自迎神至送神  
望典儀官唱贊

武舞八佾進贊引官奏就位

皇帝就拜

位立迺瘞毛血迎

神司香官二人奉香盤升壇司樂官舉迎

神樂奏登平之章

凡舉樂皆司樂  
官唱贊後同

贊引官奏陞壇恭導

皇帝進內壇北門陞壇詣

太社位前司香官跪進香贊引官奏跪

皇帝跪奏上香

皇帝上柱香次三上瓣香興次詣

太稷位前上香儀同奏復位

皇帝復位

司香官二人以次陞壇詣東西

配位前上香畢退贊引官奏跪拜興

以下跪拜  
興皆有奏

皇帝行三跪九拜

禮王公百官均隨行禮奠玉帛行初獻禮司玉帛官奉篚司爵官奉爵各升壇詣

太社

太稷位

前奏茂平之章舞千戚之舞司玉帛官跪奠玉帛三叩司爵官跪獻爵奠正中

配位前奠帛獻爵儀同

皆退司祝至祝案前跪三叩奉祝版興升壇稍西跪樂暫止

皇帝跪羣臣皆跪司祝讀祝畢詣

太社位前跪安於案三叩退樂作

皇帝率羣臣行三拜禮興樂止武功之舞退文舞八佾進行亞獻

禮奏育平之章舞羽籥之舞司爵官詣

神位前跪獻爵奠於左儀如初獻行終獻禮奏敦平之章

亞獻司爵官跪獻爵奠於右儀如亞獻樂止文德之舞退太常官贊

賜福胙光祿卿二人白壇下西案

奉福胙升壇進至

神位前拱舉降階出內壇北門立

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙亦如之三拜興率羣臣行

三跪九拜禮撤饌奏博平之章有司奉方珪退送

神奏樂平之章

皇帝率羣臣行三跪九拜禮

有司奉祝次帛次饌次香送瘞所

皇帝轉立拜位旁西嚮候祝帛過復位迺望瘞奏微平之章恭

導 皇帝詣望瘞位望瘞奏禮成退導

皇帝由戟門出禮部尚書率太常官恭請

神位還御

皇帝至壇北門外神路右陞禮輿法駕鹵簿前導導迎樂作奏祐平之章

皇帝回鑾王公從各官以

次退不陪祀王公百官朝服於 午門外跪迎 午門鳴鐘王公隨

駕入至內金水橋恭候

皇帝還宮各退○因事祇旨遣官將事太常卿率所屬恭請

太社

太稷神位奉安壇上陳帛二

尊爵鑪鐙如常祭薦脯醢果實太常贊禮郎一人引導官入社稷街門由壇南門入循內壇西行至內壇

北門外拜位行禮饌儀均與常祭同○歲孟夏常雩後不雨既祈

神祇

太歲如未應越七日迺

祈於 太社

太稷並設

配位薦玉遣官素服將事作樂行禮樂章迎

神奏延豐奠玉帛初

獻奏介豐亞獻奏滋豐終獻奏需豐撤饌綏豐送

神奏貽豐望瘞奏溥豐文武官應陪祭者咸與祈


禱其儀物與因事祈告同得雨報祭與常祭同水潦祈晴冬旱祈雪禮亦如之○直省府州縣各擇爽壇


之地建 社稷壇均北嚮歲以春秋仲月上戊日爲民祈報會城則總督若巡撫主之道官分治各府者於所治主其祭其餘府州縣皆正官將事以各學教官糾儀生員充禮生會城以丞倅府州縣以棧史執事 社 稷位前各帛一劔二篋二簋二籩四豆四爵三共羊一豕一尊一祭日雞初鳴承祭官以下咸朝服齊集黎明贊引禮生二人引承祭官詣盥洗所盥洗通贊禮生贊執事者各司其事以下自迎神至望遠皆唱贊贊引禮生贊就位引承祭官至階前拜位立引班禮生二人分引陪祭官文東武西班與外省朝贊同各就拜位序立迺迎 神贊引贊升壇引承祭官升壇詣香案前司香跪奉香贊引贊上香承祭官三上香贊復位引承祭官降復位贊跪叩興以下行禮皆有贊承祭官行三跪九叩禮陪祭各官皆隨行禮奠帛初獻爵司帛奉鐘進跪奠鐘司爵奉爵進獻爵奠正中皆退司祝禮生至祝案前跪承祭官暨陪祭各官皆跪司祝讀祝畢詣 神位前跪安於案叩如初退承祭官暨陪祭各官行三叩禮亞獻爵奠於左終獻爵奠於右均儀如初獻迺撤饌送 神承祭官行三跪九叩禮陪祭各官皆隨行禮司祝奉祝司帛奉帛恭送瘞所承祭官轉立拜位西旁東面候祝帛過復位引至望瘞位望瘞贊引告禮成引退衆皆退

下接圖




社稷壇總圖






社稷壇大祭圖






鴻禮御侍 虞奠司禮御侍

社稷壇遺官祇告圖



坎 癸 四十三卷五



欽定大清會典卷四十四

禮部

祠祭清吏司

中祀一

凡朝 日之禮兆陽位於東郊其制一成歲以春分迎 日出祀 大明甲丙戊庚壬年

皇帝親朝 日奉 大明位西嚮赤璧一帛一牛一羊一豕一登一鉶二簠簋各二籩豆各十尊一

爵三盞三十鑪一鐙二先祀一日樂部設中和韶樂於壇下分左右懸祀日鑾儀衛陳法駕鹵簿於 午

門外日出前八刻太常卿詣 乾清門告時 皇帝御禮服乘禮輿出宮前引後扈如常儀 駕發

警蹕 午門鳴鐘法駕鹵簿前導不陪祀王公百官咸朝服跪送導迎鼓吹設而不作鑾儀衛校鳴壇內

鐘 皇帝至壇北門外降輿贊引太常卿二人恭導 皇帝由壇北門中門入詣具服殿更祭服禮

部尚書率太常官恭請 神位安奉壇上畢太常卿奏請行禮 皇帝出具服殿盥洗贊引太常卿

恭導 皇帝入內壇左門由中階陞壇至黃幄次拜位前東嚮立鴻臚官引陪祀王公入內壇門位階

下百官位內壇門外左右序立均東面典禮官贊樂舞生登歌執事官各共酒職以下迎神至送神皆典禮官唱贊 武舞

八佾進贊引官奏就位

皇帝就拜位立迺迎

神司香官奉香盤進司樂官贊舉迎

神樂奏

寅臚之章

凡舉樂皆司樂官唱贊

贊引官奏就上香位恭導

皇帝詣香案前司香官跪進香贊引官奏跪

皇帝跪奏上香

皇帝上柱香次三上瓣香興奏復位

皇帝復位奏跪拜興

皇帝

行三跪九拜禮王公百官均隨行禮迺奠玉帛司玉帛官奉篚進奏朝臚之章司玉帛官跪奠玉帛三叩

退行初獻禮司爵官奉爵進奏清臚之章舞千戚之舞司爵官立獻爵奠正中司祝至祝案前跪三叩奉

祝版跪案左樂暫止

皇帝跪羣臣皆跪司祝讀祝畢詣

神位前跪安於案三叩退樂作

皇帝率羣臣行三拜禮興樂止武功之舞退文舞八佾進行亞獻禮奏咸臚之章舞羽籥之舞司爵官獻

爵奠於左儀如初獻行終獻禮奏純臚之章

舞與亞獻同

司爵官獻爵奠於右儀如亞獻樂止文德之舞退太

常官贊賜福胙光祿卿二人就南案奉福胙至。神位前拱舉降立於

皇帝拜位之右侍衛二人

進立於左

皇帝跪左右執事官皆跪右官進福酒

皇帝受爵拱舉授左官進胙亦如之三

拜興率羣臣行二跪六拜禮撤饌奏延臚之章有司詣

神位前奉赤璧退送

神奏歸臚之章

皇帝率羣臣行三跪九拜禮有司奉祝次帛次饌次香恭送燎所

皇帝轉立拜位旁北嚮候祝帛過

復位樂作祝帛燎半奏禮成恭導

皇帝出內壝左門入具服殿更衣禮部尙書率太常官恭詣

神位還御 皇帝出至壇北門外降輿法駕鹵簿前導迎樂作奏禱平之章 皇帝回鑾王公從

各官以次退不陪祀王公百官於 午門外跪迎 午門鳴鐘王公隨 駕入至內金水橋候

皇帝還宮各退○道官行禮由北門左門入內壇門右門行禮於壇下上香升壇升降均由右階贊引以  
太常贊禮郎祝帛送燎位避立右旁王公不陪祀百官陪祀如儀 凡夕 月之禮兆陰位於西郊其

制一成歲以秋分迎 月出祀 夜明以 北斗五星二十八宿周天星辰配丑辰未戌年

皇帝親夕 月奉 夜明位東嚮 配位南嚮均設玉色幄 夜明位白璧一帛一牛一羊一豕

一登一劔二簠簋各二籩豆各十尊一爵三盞三十鑪一鐙二 配位帛十有一牛一羊一豕一登一劔

二簠簋各二籩豆各十尊一爵三盞三十鑪一鐙二祀日樂部豫設中和韶樂於壇下分左右懸鑾儀衛

陳法駕鹵簿於 午門外日入前四刻太常卿詣 乾清門告時 皇帝御禮服乘禮輿出宮前引後

扈如常儀 駕發警蹕 午門鳴鐘法駕鹵簿前導不陪祀王公百官咸朝服跪送導迎鼓吹設而不

作鑾儀衛校鳴壇內鐘 皇帝至壇北門外降輿贊引太常卿二人恭導 皇帝由壇北門中門入

詣具服殿更祭服禮部尙書率太常官恭請 神位安奉壇上畢太常卿請行禮 皇帝出具服殿

盥洗贊引太常卿恭導 皇帝入內壇左門由中階陞壇至黃幄次拜位前西嚮立太常贊禮郎引分



獻官入內壇右門至階前甬道北立鴻臚官引陪祀王公入內壇門位階下百官位內壇門外左右序立均西面典儀官贊樂舞生登歌執事官各共迺職以下迎神至送神皆典儀官唱贊武舞八佾進贊引官奏就位

皇帝就拜位立迺迎 神司香官各奉香盤進司樂官贊舉迎 神樂奏迎光之章凡舉樂皆司贊樂官贊唱

引官奏就上香位恭導 皇帝詣 正位香案前司香官跪進香贊引官奏跪 皇帝跪奏上香

皇帝上柱香次三上瓣香興奏復位 皇帝復位太常贊禮郎引分獻官由北階升壇詣 配位前上

香畢降階退立原位奏跪拜興以下行禮皆有奏 皇帝行二跪六拜禮分獻官王公百官均隨行禮奠帛行

初獻禮司玉帛官各奉篚司爵官各奉爵進奏升光之章舞干戚之舞司玉帛官各奠玉帛行三叩禮司

爵官各獻爵奠正中退司祝至祝案前跪三叩奉祝版跪案左樂暫止 皇帝跪羣臣皆跪司祝讀祝

畢詣 正位前跪安於案三叩退樂作 皇帝率羣臣行三拜禮興樂止武功之舞退文舞八佾進

行亞獻禮奏瑤光之章舞羽籥之舞司爵官獻爵奠於左儀如初獻行終獻禮奏瑞光之章舞與亞獻同司爵

官獻爵奠於右儀如亞獻 配位獻爵儀均同樂止文德之舞退太常官贊答福胙光祿卿二人就北案

奉福胙至 正位前拱舉降立於 皇帝拜位之右侍衛二人進立於左 皇帝跪左右執事官

皆跪右官進福酒 皇帝受爵拱舉授左官進胙受胙亦如之三拜興率羣臣行二跪六拜禮撤饌奏

灑光之章有司詣

正位前奉白璧退送

神奏保光之章

皇帝率羣臣行二跪六拜禮有司

奉祝次帛次饌次香恭送燎所

皇帝轉立拜位旁南嚮候祝帛過復位樂作祝帛燎半奏禮成恭導

皇帝出內壝左門入具服殿更衣禮部尙書率太常官恭請

神位還御

皇帝至壇北門外陞輿

法駕鹵簿前導導迎樂作奏祐平之章

皇帝回鑾王公從各官以次退不陪祀王公百官於午門

外跪迎 午門鳴鐘王公隨

駕入至內金水橋恭候

皇帝還宮各退○遣官行禮由壇北門左

門入內壝門右門上香時升降由右階分獻官位在遣官後之左升降由左階行二跪六叩禮餘儀與朝

日遣官同

